

Broj: 04 – 299/24
Sarajevo, 02.10.2024.godine

Na osnovu člana 152. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03,22/06 i 43/10), a u vezi sa čl. 12. i 14. Pravilnika o organizovanju i funkcionisanju operativnih centara civilne zaštite ("Službene novine Federacije Bosne i Hercegovine", broj: 09/19), dostavljamo Vam:

Vanredna informacija o stanju prirodnih i drugih nesreća na području Federacije BiH, za dan 02.10.2024. godine, do 12:00 sati.-

FEDERALNI HIDROMETEOROLOŠKI ZAVOD

U narednim danima očekuju se obilne padavine, čiji početak se očekuje danas u večernjim satima u zapadnim, sjeverozapadnim, djelimično centralnim i sjevernim područjima Bosne.

Meteoalarm: Federalni hidrometeorološki zavod izdao je za sutra, 03.10.2024.godine **NARANDŽASTO** upozorenje za područja Hercegovine, zapadne, sjeverozapadne i djelimično centralne Bosne, zbog obilnijih padavina. Očekivana količina padavina od 30 do 60 l/m², lokalno i do 80 l/m². Lokalno je moguće izlijevanje vodotoka iz korita i pojava urbanih poplava.

OBAVIJEST O MOGUĆIM BUJICAMA I KLIZIŠTIMA

Sektor hidrologije, Odsjek za prognozu i bilans voda Federalnog hidrometeorološkog zavoda, na osnovu dostupnih meteoroloških, hidroloških prognoza i raspoloživih platformi uključujući EFAS dostavio je Obavijest o mogućim velikim vodama na području Federacije Bosne i Hercegovine:

Usljed obilnih padavina, lokalno vrlo jakog intenziteta, koje se očekuju u narednim danima na području Federacije Bosne i Hercegovine, moguće je lokalno izlijevanje vodotoka iz korita, naročito na području Hercegovine i zapadne Bosne.

Obilne padavine se očekuju i na području Crne Gore tako da postoji manja mogućnost od izlijevanja rijeke Drine, uz napomenu da za vodotoke pod vještačkim utjecajima nije moguće dati pouzdanu prognozu.

Očekivani početak događaja: 03.10.2024. godine (04.10.2024. – rijeka Drina)

Očekivani vrh vodnog vala: 03/04. 10. 2024. godine (05.10.2024. – rijeka Drina)

Napomena: Za vodotoke koji su pod vještačkim utjecajima nije moguće dati pouzdanu prognozu.

AGENCIJA ZA VODNO PODRUČJE RIJEKE SAVE

Prognoza vanrednog hidrološkog stanja za period: 03.10. do 06.10.2024. godine:

Prognozira se porast vodostaja uslijed novih značajnijih padavina na većem dijelu vodnog područja rijeke Save u FBiH, posebno na slivovima Une, Sane i Sanice. Očekuje se dostizanje kota obavještavanja definiranih Federalnim operativnim planom odbrane od poplava, na određenom broju hidroloških stanica.

Moguće su bujične poplave na slivovima rijeka Sana, Sanica i Bliha.

U naredna četiri dana prognozirano je vanredno hidrološko stanje, posebno na području:

- gornjeg i srednjeg dijela sliva rijeke Une, te
- slivova Sane i Sanice.

Obavještenje o prognozi vanrednog hidrološkog stanja odnosi se na područje Unsko-sanskog kantona, odnosno područje gradova/općina: Bihać, Bosanska Krupa, Sanski Most i Ključ.

Sugeriše se nadležnim institucijama da prate situaciju na terenu i postupaju u skladu s ovlaštenjima, a službama koje provode mjere i aktivnosti zaštite i spašavanja ljudi i materijalnih dobara preporučuje se pojačan oprez. Nadležne službe civilne zaštite upozoravaju stanovništvo da postoji opasnost od prilaska obalama s obzirom na moguće povećanje dubina i brzina tečenja vode u rijekama, te treba da im pravovremeno daju obavještenje sa uputama i smjernicama, kako bi stanovništvo na vrijeme oduzelo mjere samozaštite, s ciljem smanjenja šteta od štetnog djelovanja poplava.

NAPOMENA: Obavještenje se daje na osnovu prognoziranih podataka padavina, tako da promjena vremenske prognoze može uticati i na prognozirano hidrološko stanje.

Dežurni operativac: A.K.

Dostavljeno:

- Premijeru Vlade Federacije BiH,
- Komadantu i članovima FŠCZ-e,
- Direktor FUCZ-e,
- Pom. direktora za planiranje, mjere zaštite i spašavanja i vatrogastvo,
- Operativno-komunikacijski centar BiH -112,
- Republički operativno-komunikacijski centar RS -121,
- Odjeljenje javne sigurnosti Brčko distrikt BiH,
- a/a.

FEDERALNI OPERATIVNI CENTAR